

Николай Михайлович Рыкунов

Ийэм көмүс мөссүөнэ

Көмүскэллээх киһибэр
ийэбэр этиэм диирдии,
кэри- куру киэһэбэр
биэрэккэ эмиэ киирдим,
көнгөлөй оһуор үөккэ
көхсүбүнэн сигэнэн,
долгун көмүс дьүрүскэн
дорҕоонугар бигэнэ,
сүлбэ сылаас хоонһугар
нуктаан ылыа уйулҕам:
миигин ийэм оннугар
илдьэ хаалта айылҕам...

Айылҕаҕа ийэбин
ахтан – санаан ийэбин...
үрүҥ тунах аһыныы
үрүлүйүө кыһыным,
сааскы кэммэр тыллаарай
эмньик –чэгиэн сыллара,
дойдум самаан сайына
талыы – мааны майгына,
санныар – курус күһүнүм
саныыр көмүс дьүһүнүм...

Ийэ дойдум ньууругар
ийэм намчы мөссүөнэ
лабаа ахсын умһанар
солотуулаах киистэнэн,
саһарҕалыы санныйыа
сарсыардатын, киэһэтин,
дьэдьэн буолан манһыйа
мунһуо миэхэ кэһиитин.

Алтан оттоох ачаҕа
сааскы чэгиэн ылаангыга,
ыйданҕа аас чанчыгар,
омоох ынах ыллыгар –
Ийэ дойдум ньууругар
ийэм симик мөссүөнэ
отун – маһын быыһыгар
оһуор буолан кистэнэр.

Илгэ – быйан чабычаға
ийэм кыымнаах алааһа,
ыллыа уйан чыычааға –
ийэм тыыннаах куолаһа,
сылаас тыына биллиэбэ:
сыллаан ылыа дии сиккиэр,
күлүмүрдүү тиллиэбэ
көлөһүнэ нүөл сиикпэр.

Үрүң Күөлүм унаарыгар,
Өлүөнэм тунаарыгар,
Грузиям чаайыгар,
Россиям сыдыаайыгар,
куолас кутуу долгунугар –
Мин нүөлүйэ көрөбүн
Ийэ дойдум ньууругар
ийэм өлбөт мөссүөнүн.